

INI UYEN JESUS
Luke 2:40-52; Mark 6:1-6; John 7:14-16
QYQHỌ UKPEP-ŃKPỌ 15 – Eke Ikpọ Owo

IKỌ IBUOT: “Koro ekenọ Ibet ke ubọk Moses; edi Jesus Christ akada mfọn ye akpanikọ edi” (John 1:17).

I Jesus Asañá Ye Ete Ye Eka Aka Usọrọ Nsañá-mbe.

1. Ɗkọri Esie, nte eyenọwọń, ke ifiọk ye mfọn Abasi, Luke 2:40; John 1:14, 17
2. Ido ete ye eka Esie ke ndika usọrọ Nsañá-mbe ndiwut nsuk-ibuot nnọ Ibet, Luke 2:41; Exodus 12:23, 24
3. Edika usọrọ ke Jerusalem, ke ini Enye osimde isua duopeba, Luke 2:42; Exodus 34:23

II Jesus Ke Iso Nta Mme Ọfiọk Ibet

4. Eyen osop ọkpọń ete ye eka Esie nte mmọ efiakde enyọń ke Nazareth, Luke 2:43-45
5. Ekut Enye ke Itie-ukpono Abasi nte akpańde utọń okop se etińde ye nte Enye onyũ obupde mme ọfiọk ibet mbume, Luke 2:46; Isaiah 11:2
6. Mkpaidem anam kpukpru owo ke ndikut ifiọk ye ọniọń Esie, Luke 2:47; Matthew 13:54

III Ikot Jesus Ke Ini Uyen Ke Abañá Utom Esie

7. Suń-suń nsua nnọ eka Esie ke abañá edisuhọ Esie ke Jerusalem, Luke 2:48
8. Jesus ọbọrọ ete ke Imọ inyene ndinam utom Ete Imọ, Luke 2:49; Mark 3:35; John 9:4
9. Ibọrọ Esie ikańwańake, Ɗkọri ke ifiọk ye idaha Esie, Luke 2:50-52; Mme Ɗke 3:13

IV Ubọk Utom Jesus Mbemiso Ukwọrọ-Ikọ Esie Ọtọńọ

10. Jesus ikọbọhọ “ukpep-ńkpọ” ito mme Scribe ye Pharisee, John 7:14-16
11. Mme owo ema edu ke mkpa-idem ke abañá ifiọk ye mme ikpọ utom Esie, Mark 6:1, 2; Matthew 8:27
12. Mmọ eti akpa ubọk utom Esie enyũ efiọk Enye nte anam usọ, Mark 6:3-6.

SE EKPEPDE EBAÑÁ

Ɗwed Matthew ye Luke etiń ekese ńkpọ enọ nnyin ke abañá emana ye ini uyen Jesus, mbuk emi anamde ini emana Jesus asańá ye ukpono emi onyũ edide ńkpọ inemesit ọnọ kpukpru nditọ Abasi. Ekenyene ndidi ntre; koro edi udim mme angel emi etode Obio Ubọń Abasi ekesian ke utibe okoneyo oro, emana Jesus emi owutde usiere obufa ediomi.

Itińke ediwak ńkpọ inọ nnyin ibañá ini uyen Jesus. Ɗkukure ńkpọ ntibe ini uyen Esie emi Ɗwed Abasi etińde abañá edi nte Enye okodude ke Itie-ukpono Abasi ke iso mme ọfiọk ibet. Ɗko mme ibat ibat itie ke Ɗwed Abasi edu, ke Jesus ama ọkọtọńọ utom Esie, emi etińde abañá ini uyen Esie. Okposuk edi nte mme ńkpọ emi etińde miwakke, edi mmọ edi ata akpan ńkpọ; koro kpukpru ńkpọ emi ikpepde ibañá Jesus edediọń enam Enye enyene idaha ke esit nnyin.

Akpa eridi Jesus ke ererimbot emi ekedi ke ini Israel ekedude ke mfiakedem, ọtọńde ke akwa oku ọsuhọre. Edi ndusuk owo ema edu emi ekesuk ebakde Abasi, ke otu mmọ ekedi Joseph ye Mary, ete ye eka Jesus, emi ke ọyọhọ mbuqtidem eketimde enim mbet Abasi, esinyũ edọkde eka ke Jerusalem kpukpru isua ndibuana ke usọrọ Nsañá-mbe, Ke ntre Jesus ọkọkọri ke ufọk emi ekefiọkde Abasi, ete ye eka ema eda Enye eka usọrọ Nsañá-mbe ke ini Enye ekedide eyen isua duopeba. Nte ete ye eka ema eketọńọ isań ndinyọń obio mmọ ke Nazareth, mmọ ema eyarade efiọk ke isań usen kiet ama ekebe ete ke Jesus isańake ye mmimọ, koro Enye ama ọsuhọ ke Jerusalem. Unana edikut Enye ama afina mmọ, do mmọ efiak eka ke obio, ndien ke akpatre ema ekekut Enye ke Itie-ukpono Abasi nte etiede ye mme ọfiọk ibet ke “akpań utọń okop se mmọ etińde, onyũ obup mmọ mbume.”

Se Luke ewetde abañá ńkpọ-ntibe emi ke Itie-ukpono Abasi edi ibio-ibio, edi ayarade ediwak ńkpọ ọnọ nnyin abañá Jesus. Ediwak mme Jew ikekwe ńkpọ ndomo kiet ke Enye ikan “eyen anam-usọ,” okposuk edi ediwak ńkpọ-ntibe ekedade itie ke emana Esie. Edi Mary ama odip kpukpru ńkpọ emi ke esit esie, onyũ ọfiọk ete ke Jesus okpon akan ndidi eyen esie. Ke mkpaidem, ndikut Enye ke Itie-ukpono, enye asua ọnọ Enye ke suń-suń uyo; “Eyen mi, nsinam anamde ntem ye nnyin? Sese, usọ ye ami imasańá iyom Fi ye mfuhọ.” Ntọtuńọ ifiọk odu ke ibọrọ Eyen emi, “nte ifiọkke ite, nnyene ndidu ke ufọk Ete Mi?”

Ibọrọ emi ayarade owut ete ke Jesus, okposuk ekedide eyen isua duopeba, ama ọbọ akwa ikot oto Obio Ubọń Abasi ke abañá utom emi ekedọńde Enye edi ke ererimbot. “Nnyene ndidu ke ufọk Ete Mi.” Akpan ńkpọ odu ke mme ikọ oro! Ikot emi ekedi ńkpọ eke okponde akan utom eke Enye anamde ọnọ ete mme eka, mme ufọk,

okposuk edi nte Enye ọkọsuhọrede idem ọnọ ete ye eka ererimbot Esie, nte ikotde ke Luke 2:51, “Enye asaña ye mmọ osuhọre edi ke Nazareth, osuk ibuo ọnọ mmọ.” Emi eti nnyin utibe ikọ emi etiinde ebaña Jesus ke Nwede emi enode esok Mmọ Hebrew: “Mmọdo ke adañemi Enye odukde ke ererimbot, Enye ọdọhọ ete, Afo umaha uwa ye enọ, Afo emebeñe ikpohidem ọnọ Mi; Afo ukopke inemesit ke ofuri edifọp-uwa ye uwa idiok ido: Ntre ke ndọhọ nte, Sese, mmedi (Ewet ebaña Mi ke ikpa-nwede) ndinam uduak Fo, O Abasi.”

Utibe edikut Jesus nte Ekprie Eyen-ọwọn ke Itie-ukpono Abasi ekpenyene ndiñwaña nnyin ke se enye ọwọrọde nkan nte edi ikpikpu inem mbuk. Jesus ama ekpep ke ini ukwọrọ-ikọ Esie ete ke usọp-usọp ikot emi enyene kpukpru nti ikot Abasi. Anditiene-Christ ekededi emi ayakde ufok, me mbubehe ubon, me mbubehe esie ada itie Abasi, ọduok idaha esie nte anditiene Ọbọn Jesus Christ. Ke ini Abasi etiinde ikọ, edi nnyin ndikpañ utọn nnyuñ nnam uyo Esie.

Eyarade ediye ye utibe akpanikọ efen ke mbuk emi. Itiñke ediwak nkpọ ke Nwede Abasi inọ nnyin ibaña nte Jesus akakade ufok nwede. Ekeme ndidi Enye ama etiene nditọ eken aka ufok nwede ke Nazareth, edi imọfiok ite ke ema ekpep Enye Ibet Moses ke ufok; koro ekedi utom nditọ Israel ndikpep nditọ mmọ Ibet emi, kpasuk nte edide utom anditiene-Christ ndikpep nditọ mmọ mme ewuhọ ye mme ibet Jesus. Edi ata akpanikọ nte ke Jesus ikakaha ufok nwede, nte Paul, ke “Ukpep-nkpọ” mme Scribe ye Pharisee, koro mme nta ifiok emi ke ibet ekese mbon Galilee, emi Jesus okoduñde ke ufot mmọ, nte mme anana ifiok ye mbon emi mibohọ ukpep-nkpọ. Edi ke ini Eyen isua duopeba emi owutde idem ke Itie-ukpono Abasi, ọnyuñ ọtọñode ndineme nneme ye mme ọfiok ibet, idem ama akpa mmọ eti eti enyuñ ebup ete, Eyen emi ada utọ ifiok emi ke mmọn? Kpa ke idem ini ukwọrọ-ikọ Esie mme Jew ema eyik eti eti: “Owo emi asaña didie ọfiok nwede, ke ini akanam Enye mikpepke kpep?” “Nte Enye idighe anam-usọ, eyen Mary, ye eyen eka James ye Joses, ye Juda ye Simon?”

Idiok-nkpọ ama otim okim mmọ enyin tutu mmọ ifiokke ite ke Enye Emi mmọ ekeikutde ke ufot mmọ okpon akan owo. Mmọ ikọfiokke ite ke ifiok ye ọniọñ Esie eketo ebiet eke okoñde akan ifiok ufok nwede mme Jew ekededi me eke Sanhedrin. “Ewet ntem ete, Nyebiat ifiok mbon eti ibuo, Nyenyuñ nsin ọniọñ mbon ọniọñ.” Okposuk edi nte mmọ ekekopde Ikọ ifiok Esie enyuñ edide ntiense ebaña mme ikpọ utom Esie, edi mmọ ikọfiokke ite ke Enye edi Eyen Abasi, Messiah emi ekeñwọñode, Andifak owo ye Andiñyaña ererimbot. Edieke mmọ ekpekefiokde, mmọ ikpekekoñke Enye ke kros. “Edi mbufo edi ubon emi Enye okobonde ke Christ Jesus, emi Abasi akanamde akabare edi ifiok ọnọ nnyin, kpa edinen-ido, ye erikabare-ndi-edisana, ye uwọrọ-ufin.”

MME MBUME

1. Ke mmọn ke Jesus okoduñ ke ini uyen Esie?
2. Mme anie ekedi ete ye eka, ye nditọ eka Esie iren ye iban?
3. Nso ikedi ubok utom Esie nte eyenọwọn ye akparawa?
4. Nso utọ ukpep-nkpọ ke Enye ọkọbọ ke ufok ete ye eka Esie?
5. Nte odu idiọñ ndomo kiet ke Nwede Abasi emi owutde ete ke Enye ama aka akamba ufok nwede nte Owombet Paul?
6. Ikeme didie ndien ndinọ ibat ke “ifiok ye ọniọñ” emi Enye akayararede ke Itie-ukpono Abasi ke ini Enye ekedide isua duopeba?
7. Nso ikanam Enye ọsuhọ ke Jerusalem ke ini ete ye eka Esie ema ekenyọn?
8. Nso ukpep-nkpọ ke enyene oto iboro emi Jesus ọkọnọde eka Esie, “Nte ifiokke ite nnyene ndidu ke ufok Ete Mi?”
9. Nso ikedi edu uwem, ke abaña erikpep, eke mme ọfiok ibet oro ekenyenede ebaña mbon Galilee emi Jesus okoduñde ke ufot mmọ?